

## 28.03.1882

| Zakładny kamjeń za Baćonsku cyrkej                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 | Grundstein für die Storchaer Kirche |
|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------|
| <p>Radworscy wosadni darichu w léće 1882 zakładny kamjeń za Baćonsku cyrkej. Tu posłowny cc z Katolskeho posła z měrca 1882:</p> <p><b>\\Zakładny kamjeń Baćonskeje cyrkwe</b></p> <p>Zajimawu nowinku roznjese KP lěta 1882 po Serbach.</p> <p>Tu ju maće!\\Štož so lěta 1876 na namjet Mikławša Mišnarja Radworskeho wobzamkny, dokonja so 28. Měrc 1. 1882. W skale „na wincach« Mikławš Wjerab Chelnjanski a Jan Rječka Radworski 9. měrc 1. přihódny kamjeń wotkładašaj; Jan Wjerab Łupjanski a Pětr Wjerab Chelnjanski jón wobdypašaj. 27. měrc 1. popołdnu kamjeń ze skały zwalachu a na wóz Jana Mjenja Chelnjanskeho zběžechu a z fararjowymaj konjomaj do Radworja dowjezechu. Wutoru dopołdnja (28. měrc 1.) kamjeń z plećwami wobwěšachu; popołdnu štwórc na dvě konje Jana Mjenja a Korle Wanaka z Chelna zapřežechu a kamjeń ze wsy wjezechu. Předku jěchachu: Jan Cyž, Aug. Mišnar, Michał Połenk z Radworja a Pětr Křižan z Bronja. Zady wjezeše Michał Šćěpan z Radworja pomocnikow (6 mužů) a wšelake džěłaćerski naporjad. Jasny zwuk cyrkwinских zwonow přewoždachu zakładny kamjeń přejo sej, zo bychu so bórže zynki susodneje Baćonskeje cyrkwe k nim znošowale. Wot Haslowa do Baćonja witachu sylne wrjeski skalnych wutřelůw a ručnych třělbůw zakładny kamjeń; na twarnišću jón z woza wzachu.</p> <p>W Radworju pomhachu: Jan Cyž z wotročkom, Hałkec Mikławšom, fararjec wotročk Handrij Kral a pohonč Handrij Šołta, Jan Buk, Mich. Poleńk, Aug. Mišnar, Mikł. Kubańk, Mikł. Šołta, Mich. Čemjer, Mikł. Bjarš, Jan Rostok a Mikł. Hantuš z Radworja, Mikł. a Pětr Wjerabaj z Chelna; w Baćonju: Mich. Čemjer, Mikł., Šołta, Mikł. Kubańk, Jan Rječka, Jan Rostok z Radworja a Mikł. Wjerab z Chelna. KP 1882, 66</p> | nem                                 |

From:  
<http://82.165.187.122/> - Radibor - Chronik

Permanent link:  
[http://82.165.187.122/doku.php?id=28.03.1882\\_grundtein\\_storcha&rev=1662050566](http://82.165.187.122/doku.php?id=28.03.1882_grundtein_storcha&rev=1662050566)

Last update: 2022/09/01 16:42

